

邊一步齋詩集

伍



退一步齋詩集目錄

卷十

端水揚帆集

己卯八國存一百首

述職北上留別端州諸士民

四月初三日侍 慈登舟

清遠江中作

枕上

白廟晚泊

己巳入粵過峽山寺戲題云臨風我向飛仙笑也

退一步齋詩集目錄

一

自舒州到廣州今復經此更爲作一轉語博佛

白菩薩粲

香爐峽

瀕陽峽書感

英德

懷吳詠颿

棋

英德境有虞夫人廟及五婆城皆唐時禦黃巢賊

有功者詩以記之

觀音巖



舟中雜憶經史書示兒子臻喜臻壹

至韶州憶途中所見山水甚奇漫賦一詩

謁張文獻公祠焚香以告賦小千竿垂五十未

贈華堯封觀察祝三卅父與我共嬉遊五十年

打魚歌續補文獻公詩非因容補入殆以資詩韻語

閱邸報子箴兄爲總督奏劾罷職寄詩奉懷時扁

舟甫過平圃驛也公每貧冥冥中庶賦于淵泉

仁化江口公每貧冥冥中庶賦于淵泉

光緒丁丑五月十四日夢先世父蓮舫公手持一

退一步齋詩集目錄

一一

軸命予展視曰此秋林策杖圖也醒而思索不

解所謂今年北上舟夜微雨兒子臻喜檢予歷

年日記忽憶前夢公殆於冥冥中預知子箴兄

有今日之事歟雖然公不見夢於子箴兄而獨

指示濬師又安知非因濬師久欲乞養特隱語

以堅其志耶嗚呼世父授我矣敬成二十八字

歸當展公墓焚詩以告俾知小子年垂五十未

嘗一日敢忘公訓也水甚奇賦補一稿

始興江口賦補一稿

石書房

南雄行館夜雨

度嶺

南安太守楊君錚過訪兼贈瓷器二種君年垂八

十其叔父爲子箴兄乙未同年也

泊女賢塘下登岸散步愛其風土作一詩示兒女

南康

南安道中賦水車

贛州喜晤蔣蕉林觀察繼洙

退一步齋詩集目錄

三

入灘

白沙村

廬陵

墨潭塘

泊舟吉水書所見

釣魚臺

臨江道中

泊樟樹鎮有感

登滕王閣漫賦

呈李捷峯中丞

文敏

贈彭芍亭方伯

祖賢

小泊南昌許季仁太守同年

善長

偕蔡文臣觀察

世俊招飲寓齋皆官京師時至好也久別重逢

殷殷話舊卽席賦此情餘乎詞

鐵柱宮

肩輿過百花洲未得一遊詩以志歎

留別舅氏陳遂生先生

志培時以道員需次江西

舟已行矣芍亭追至話別彼此黯然午過象牙潭

退一步齋詩集目錄

四

再賦一詩用誌同年交誼之篤

將至樵舍天大雷電以風舟人收帆抵岸急雨數

點而已呼童命酌卽事書懷

吳城晤蔡雲峯太守

嵩年

過湖

泊舟湖口晤鮑伯熙太守

孝光

詢其尊甫花潭中

丞近狀喜而有贈

舟行九江屬境慨賦

江上晚晴

舟行望九華山憶辛亥秋過青陽恩恩未得一遊

今二十九年矣塵鞅久羈賦詩誌歉

過當塗有懷孫丈寄鶴先生

登年

揚養之郡丞留宿寓齋夜闌有感

夜雨訪吳畏齋親家

應焯

卽以賦別

紀夢

金陵雜感

謝丈伯純所藏載花圖乃道光乙巳黃可庵

足民

作今年至江甯出以見示屬爲補題

退一步齋詩集目錄

五

瓜州道中

子祥二兄寄寓揚州歡聚數日喜而有作

示兄孫燕昭

林綬卿都轉同年

述訓

招同孫丈省齋方伯

觀戴

友梅觀察

肇辰

小飲寓廬卽席呈諸公

六月初一日張午橋前輩

丙炎

招遊平山堂

汜水道中感懷

抵寶應寓居

花潭中丞聞予至輒先枉顧詩以謝之

袁江奉別張友山中丞

兆棟

奉謝文質夫漕帥同年文彬代奏開缺養親

度嶺以來未得子箴兄消息昨揚州書至知其生

第二曾孫川官憶坡公賀子由生四孫詩云無

官一身輕有子萬事足不覺失笑因次坡公詩

建韻代柬

夢中見卓文端公羅文恪公命予作詩醒而一字

春訓不解謾錄之以誌異

冬夜有懷長樂初將軍

退一步齋詩集目錄

六

卷十一

春暉延慶集一

己卯庚辰

存五十四首

舟行卽目

抵揚州喜晤子箴大兄用陸士衡贈從兄車騎詩

韻賦呈四章

沈彥徵觀察前輩招往鎮江道署賦詩奉贈卽以

誌別

吳朝傑總戎

家榜

招飲觀劇卽席有賦

冬夜感懷步子箴大兄見懷詩韻

庚辰新正二日喜謙齋至疊子箴兄前韻奉贈  
謙齋以舊藏小輞川圖屬爲補題

題李夢蘭觀察經訓菑畚圖

梅詒曝日適子箴兄和謙齋五截韻至因步原韻

柬謙齋并寄子箴兄

題子箴兄忍齋習靜圖

謙齋往揚州忽忽經旬頗有離索之感步子箴家

兄和汪硯山見懷詩韻卻寄

子箴大兄屢書催作廣陵之遊先呈一詩用紓盼

退一步齋詩集目錄

七

望

沈彥徵前輩寄詩見懷依韻奉答

到揚州子箴兄以懷王謙齋詩見示因步原韻卽

寄謙齋

題汪硯山茂才盞蕉籠訂銘圖君有瘞鶴銘攷

題心泉和尚蕉庵吟臺

西瓜燈同子箴兄作

和子箴兄白鳳仙花原韻

將返寶應子箴兄賜詩送行和韻奉別

示三女介榕猶子臻廣時臻廣返揚故次首及之

題王遜之毓敏自鋤明月種梅花圖

贈方存之明府宗誠

遣懷和子箴兄原韻

謙齋以詩見懷依韻寄答兼呈子箴兄

春子既和謙齋見懷詩復成五古一章用十卦全韻

卷十皆前數詩中酬贈所未盡者藉申交誼兼貢芻

蕘

十二月十七日次兒生子命名燕翻三朝作湯餅

退一步齋詩集目錄

八

會喜而有作

戲詠湯婆

卷十二

春暉延慶集二辛巳存五十二首

辛巳元日作

顧華玉詩大歡惟菽水至樂一茅茨時一誦之覺

古人先得我心因此兩言冠首各賦一詩

謙齋以上元前二日長孫迺蔭入塾疊予抱孫詩

韻寄示再和一律奉答

輓某公

子箴兄乞楊岱青先生爲予長孫萊官推命感謝

以詩

和子箴兄香雪謬落成作歌原韻

疊前韻示猶子孝傑

三疊前韻贈沈青芝

登階

憶夢園

題趙子昂畫馬

秋日檢架上書得劉樹君同年

淮年

詩集戲書兩

退一步齋詩集目錄

九

絕句

偶然作

閒居雜詩

卽事偶書

周筱棠京兆服闋北上泊舟寶應枉顧寓廬別後

賦贈

孫萊山學使按試六安鳳陽吳壻兆毅猶子臻廣

先後取列膠庠喜而有作

梅花九首

先公有田一區在懷遠西鄉名汪家莊去曾大父  
 暨大父丙舍不遠今年子箴兄埽墓過彼住宿  
 一宵愛其沃壤作詩見寄示耦耕之樂予久羈  
 寶應歸計頗難漫賦五詩學稼心殷恐不如老  
 農也

退一步齋詩集目錄

十



豐山

寶應縣南有豐山王禔學澗心頭恐不暇生

其天壤非藉良膏示耦耕之樂予久羈

曾大父丙舍不遠今年子箴兄埽墓過彼住宿

先公有田一區在懷遠西鄉名汪家莊去曾大父

退一步齋詩集卷十

定遠方濬師子巖著

陽湖呂景端編校

端水揚帆集

已卯存一百首

述職北上留別端州諸士民

十年持節莅端城石室嵯峨水竇清 聖世敢云甘退

隱貧官容易得廉名編詩擬署朝天集舉酒多蒙送別

情卻更臨歧屬公等戶勤絃誦野勤耕

自數平生拙且癡古人事事是真師東坡飽啖花豬肉

西子羞蒙刺蝟皮利國莫如裁冗費好名底用變成規

退一步齋詩集卷十

一

養民課士吾何有況乃干戈久息時

父老相攜笑語徐含情爭引使君裾重興百堵城羅維

力護雙堤牧夢魚寶月臺前荷沼靜養雲園裏竹窗虛

聽來增我中懷惡多少貧羸困未舒

臺園皆子所重修

扁舟小泊瀝湖濱鼓角長亭夜鄉晨香雨恰逢三月間

慈雲歡待八旬親歸尋彭澤陶潛柳心戀吳中張翰蕪

他日音書憑問訊江魚淮雁往來頻

四月初三日侍 慈登舟

登舟剛喜雨霏霏又見晴霞照夕暉手理圖書拋阿堵



笑呼兒女奉重闌九霄雖近鵬飛倦一石非貪鶴伴歸

指子所藏  
學字硯

花亦有情知眷戀不嫌春去倍芳菲

清遠江中作

潮生風力熟舟後縵行先曲水疑無路深巖別有天篙  
工聲若沸估客稅難蠲卻羨漁家樂垂竿正釣鮮

枕上

連宵陡覺北風涼枕上心憂道路長病葉狂花皆酒令  
果桃菜茹去到彈章老兵得失爭何益宰相糊塗小不  
妨竊國竊鉤同一致讀莊終竟費評量

退一步齋詩集卷十

一一

白廟晚泊

柔艣啞喜暫停篷窗兀坐思冥冥遠山殘照鋪晴雪  
近岸疎燈燦曙星樹影蔽村惟犬吠濤聲驅峽有龍聽  
名心淡後禪心靜好誦黃庭一卷經

己巳入粵過峽山寺戲題云臨風我向飛仙笑也

自舒州到廣州今復經此更爲作一轉語博佛

菩薩衆

我來寺已來我去寺不去長跪問釋迦胡然貪久住  
能來便能去佛法浩無邊今日舒州道平安似昔年

吾兄會戒我峽險莫遊觀

謂子嚴兄

寄語還應笑何如蜀道

難謂萬事艱難一鼓莫敢豈無真得會

不翅亦解飛無足何嘗捷別逕有終南慈悲須引接

香爐峽至東交香爐峽方子行舟香爐峽千秋兩地留佳名

峰爲主人峽旅客漫言主客宦遊忙水自灣環山自蒼

石壁剗平沙岸固至今父老憶賢王

峽路爲康熙王寅平南王所修

我行滇陽峽書感

我行滇陽峽山水殊嶽嵒峩峩石爲門儼若鎖鑰司大

退一步齋詩集卷十

三

哉天地心造設逾等夷守此一關隘應敵千虎貔粵中

民氣強嗜利甘如飴小者慣攘殺大乃賊盜滋受害民

已甚除害官則遲戈船紛水濱炫耀五色旗烽墩列營

汛伍卒刪衰羸大府苦用心猛將聽指麾似聞閩里間

春臺登熙熙忽逢瀧吏來語我垂涕淚自從河伯災屢

遭姦宄欺富室弗安枕貧黎鮮立錐官知民力竭那知

民身危方且誇保衛亦復捐金貲懲貪固宜矣薦賢究

伊誰萬事憑臆度一過悔莫追豈無裒鄂儕任用多狐

疑開口談龔黃依舊竿濫吹所失旣尋丈所得仍毫釐

疾病非膏肓恨少倉扁醫施媠見自殊目瞽忘妍媸連  
鼇本偶然孰云手段奇請看險要區碧波空淪漪我聆  
瀧吏言汗下交兩頤慙愧襪線才奚足助勦資會當投  
劾歸讀書報清時東指釣魚臺映左有頓興歧路悲去  
去勿回顧晚餐烹蛤蜊精博遊魚

然三英德卓特真詩興白日溼懣懣我詩興五劍入麻  
溱湏本二水發源各有地後來著書人混合入圖志詎  
知龍川流實與桂陽異我行值逆風怒濤令心悸雷霆  
起較輪煙霧倏隱閔舟子持竹篙力壯訝員進前趾

退一步齋詩集卷十

四

相錯退後口頻哆半生所遭遇對境判難易悶眼不可  
豁愁腸竟若醉緬想秦漢間老佗竊高位顧盼逞詭謀  
銳意修武備陸生文弱徒說之等嘲戲遠頒一封書居  
然三舍避卓哉真龍興白日匿魍魅在德弗在險人和  
勝地利二水方濛洄吟詩動遐思

懷吳詠賦

楨

東

蘇

蘇

蘇

交誼十年篤離愁萬種加州山君有約君之故里冶水

我無家

子世居爐橋  
即古治水也

碌碌心空壯蕭蕭鬢已華書齋今

夜月分照到天涯

一樣清貧甚官囊與幕囊世情風過耳別緒酒澆腸小

榭槐陰遠謂徽西官舍新居桂子香君近小宅遙知念行役

為報渡瀆陽賦首大自英德境有虞夫人廟及五婆城皆唐時禦黃巢賊

有功者詩以記之不直關于求官一表拜楓宸狂賊由來羨重臣卻怪當時于僕射

不將節度畀夫人不眠彈子磯頭雪浪驕千秋遺恨尙難消五婆若使為名將

定有奇謀救李迢

退一步齋詩集卷十 五

觀音巖 水草交為湄山穴名曰岫英州觀音巖團圓大鏡覆恍

如井口橫何年倩工墾入門不知路一線光明透重厓

作堂宇天然好結構老僧導我行膽怯足屢後倘非蠟

炬照幾不辨昏晝磴級高下宜闌干左右就捫壁皆厓

巖掉頭卽眩瞖北風旋地起寒栗逼膚腠急趨蓮座旁

趺坐暫勾留稽首大自在慈悲遍老幼萱草迎春暉康

疆託靈佑長誦阿彌陀百廿登上壽

舟中雜憶經史書示兒子臻喜臻壹

舟中雜憶經史書示兒子臻喜臻壹

其一

凱風美孝子詩序有明證後來說經者獨以淫行定我  
觀漢靈時天倫頗悽悽謝弼上封事直諫恥曲佞首陳  
凱風句藉以動萬乘若果不安室豈非大逕庭漢儒重  
師承洪源湖孽孕立異惡從同排擊幾無賸古義今不  
存長夜嘆晦暝

其二

嶺西出嘉魚冬藏癭峽罅土人貴重之每食必增價詎  
僅江漢間賓燕工烹炙埤雅論肌肉甚美無其亞鯉質

退一步齋詩集卷十

六

而鱗鱗比擬不少借晦翁作詩註鯽肌成話櫛

嘉魚註鯽質鱗

鯽肌蓋誤斷字句

袁氏

明表仁

或問中辯駁甚於罵儒家偶舛誤

曷可恣笑詭惟語讀書人筆端勿輕下

其二

鄭元註周官訓詁精心剗繼者賈公彥分疏益條暢所  
以雒閩儒絕無一字謗後學議蠡起吹求辨真妄作俑  
俞庭椿邱葵吳澄更塵障臆斷冬官存刪并不自量吾  
家望溪公讀經老益壯曾作辨偽文力與諸家抗歸獄  
莽與歆縷縷具罪狀謂莽利六筦遂假征布況謂莽好

厭勝慮人識欺誑或以矢射神或以戈擊墻庭氏哲族  
氏壺涿及方相歆時秉竄筆百和始一唱公爲發矇瞽  
大聲風破浪河間紀相國藝林推哲匠提要著譏諷尙  
論頗直諫高皇手裁定萬世知遵仰蒙也於兩公項  
背弗敢望鄭賈起九泉折衷應的當

其四

漢武好微行遊獵恣登歷每稱平陽侯託名貴主戚

曹壽

向武帝姓  
故假其名

投宿栢谷村渴欲壺漿覓逆旅出侮言無漿

正有溺至今鄂杜水此穢不能滌無怪蒼梧王乖戾桀

退一步齋詩集卷十

七

紂敵劉統李將軍名號播遐迩危哉蕭領軍大腹畫作  
的新安寺中狗偷煮和酒喫劉家兩天子賢否固應析  
究其荒縱性萬口供指摘嗚呼明康陵豹房自詒感亦  
有威武名北巡促草檄

其五

慕容喪韋后若喪其考妣擗踊金棺前一慟不能起公  
卿送后殯不哭卽論死荒淫至斯極千古罔與比何乃  
劉休龍儻儻鮮羞耻數臨殷妃墳傷悼靡窮已佞臣應  
聲哭便擢州刺史旁有醫術人嗚咽希君旨急淚問由

來自思亡妾耳青史豈厚誣讀之笑啟齒

其六

趙勝多食客招致公孫龍善爲堅白辯無人攫其鋒魯國孔子高析理隋珠融與談臧三耳不復爭異同明日見平原但以微辭攻三耳義實非兩耳義易宗非難而是易問君將何從至今考據家疏釋鮮折衷天台胡三省

引莊註獨以雞足通凡數無定體三兩名奚窮或云耳兼聽得三言弗空譬若臧獲徒指使由我躬我思晉李石物志羅心胸謂聽天地人本於書四聰喻馬卻非馬

退一步齋詩集卷十

八

可以開愚蒙偶然綜諸說揣測方寸中一事尙難曉何況箋魚蟲置之勿復道額癢成雙聾

其七

齊有馬仙琚不肯附蕭衍初聞臺城亡悲號淚雨泣豫州數重圍孤守志彌顯當其拒衍日連道斷巨扁衍使姚仲賓說降逞雄辯斬頭懸軍門不緣故人免大義重山岳侃侃著忠譽胡乃檻車中奮勇變庸懦一見蕭老公自比失主犬乞憐稱小人搖尾延殘喘人面而狗心此曹世頗鮮

其八

劉孫秉魏政力能噓枯槁同朝諸大臣結交恨不早辛  
毗性慷慨權門迹如掃其子每幾諫詞嚴色頗惱謂吾  
有本末立身豈草草三公雖尊榮奚足縈懷抱所以顧  
覲之不附戴明寶君子知定命毋矜智力好彼哉僥倖  
徒妄意虧雅道西京陳萬年教諂語難了其子亦有言  
大要已具曉倦睡觸屏風乃公舌應搖

其九

賊莽篡漢室事事師周公親執孺子手誓言豈由衷臨

退一步齋詩集卷十

九

川豈莽裔亦復乖謬同誤讀周官書作相欺神宗制置

條例司財盡閭閻窮諒哉東坡翁以盜稱兩雄東坡鱣魚行詩

兩雄一律盜漢家謂操與莽也極口論新法耿耿抒樸忠隋末起羣奸

伯當與世充世充尤狡黠妄意標奇功思欲圖李密託

詞張永通三夢周公來告以速戰攻不爾降災疫軍士

成沙蟲軍中皆楚人甘受妖蠱蒙所以程知節識其量

不洪呪誓等巫嫗有初鮮克終嗚呼侮聖徒都在王姓

中我更發笑粲作偽心何工孔子閉房記持獻眞情情

周孔如有知誅凶喚靈霽道土桓法嗣曾獻閉房記與世充

至韶州憶途中所見山水甚奇漫賦一詩

葡萄綠釀春江潮煙波浩渺山周遭巒巒無數列篷底  
臥看船與山爭高長河太華在何許足所未蹈心空勞  
眼前好景莫虛過不吟毋乃山靈嘲千變萬化各有致  
丹青妙手終難描鷹起鵲落連復斷虎蹲獅伏雄而豪  
天門詖蕩懸日月石友拱揖陳冠袍自從入峽至中宿  
置身福地真逍遙琵琶形勢實險要芙蓉顏色疑鑄雕  
歸猿尙留古洞邃殺雞殊覺荒坑遙涯澗漣湟界南北  
九疑直上偏岩巖參天竹樹碧陰合沁人心目紅塵消

退一步齋詩集卷一

十

嵌空玲瓏臺檻巧觀音巖下灘聲驕龍頭猪婆間鼈背  
旺水卅里還高橋曹溪法乳貫白土孟洲築壩通黃茅  
呼僮且覓蒙裏李南華李最有名得仙那乞綏山桃天遣吾儕

富游蹟十年不調奚牢騷茲行眞足誇同僚買魚沽酒  
停雙橈微醺倚枕夢鹿蕉塔鈴驚醒來南阜

謁張文獻公祠

夢醒空江少鶴翔我來酌酒拜祠堂賦成海燕臣心苦  
禍起胡雛國事傷前鑒倘能誅石勒中興端不借汾陽  
巡簷怕聽風鈴響何況當時棧道傍

贈華堯封觀察祝三

九齡風度靖風采先後清名播南海使君嶺嶠建旄纛  
清名直并張興余兩賢功不在桑梓君領此邦百廢理  
弭盜能將豺豕擒治河爭說蛟龍徙去年聚首仙城中  
仙城煙景春融融酒杯夜酌鸚鵡綠花枝香遍燕支紅  
交呂攀嵇興匪淺座上賓朋都縉纒暫時分手各躊躇  
西北江流帆脚轉竭來相憶矜羊濱憑仗雙鯉通書頻  
南皋塘下重停棹忽枉鳴騶訪故人與君昔逐輦紅隊  
宣武坊南親警欵相從更有竹林賢說劍談詩青眼對

退一步齋詩集卷十

十一

謂又齋方伯蒼梧鼙鼓聲喧闐皋蘭烽火驚顛連風吹羌笛

君佐揚州軍幕府

人羨君才工草檄

我道君才號無敵虎頭燕領彼何人萬里封侯談笑覓

爐煙拂袖趨朝端東山再出蒼生安寶玉鄉中貧似

昔星辰規外眼常看我忝同僚附驥尾久染塵勞愧蔬

菲促剗殷殷肺腑傾古道如公能有幾可惜征途難久

留長安日遠思悠悠何時歸賞匡廬瀑一葉還乘訪戴

舟

打魚歌

朝打魚暮打魚東旭直到西山晡江口築壩沙不淤松  
杙編竹人字如前寬後窄密間疎竹竿四截排櫛梳魚  
隨水至洋洋乎水流魚在難逃逋漁人岸上茅結廬將  
魚換米安厥居臨淵三歎魚何辜甚張大綱加圓罟朱  
門奢侈紛庖廚銀絲金屑誇膏腴爾魚登盤泣眼枯更  
取雙目滑明珠我行柳堤風徐徐折柳貫之猶响濡不  
忍剖腹呼奚奴養以盆盜活斯須腹中應無一字書  
閱邸報子箴兄爲總督奏劾罷職寄詩奉懷時扁  
舟甫過平圃驛也

退一步齋詩集卷十

咄咄大怪事休休一个臣薦賢蒙上賞觀過斯知仁風  
裏酬恩淚田間自在身丹忱原獨矢敢向九重陳  
作宦經三省承恩歷四朝責躬忘怨讟攬鬢歎飄蕭  
蜀險青天遠淮清白浪消報君定歡喜我亦理歸船  
仁化江口

未遊丹霞山瞥見古洋水我乘上水船進緩退則駛一

灘瓶瀉油一灘石鑿齒皆灘名歸槽繫五馬古察廟一名五馬歸槽

折簡呼尺鯉堯封遣人持贈詩蕪江而至望望黃竹林峯巒插空起

遙指張公墳朝天笏雙峙

光緒丁丑五月十四日夢先世父蓮舫公手持一  
軸命予展視曰此秋林策杖圖也醒而思索不  
解所謂今年北上舟夜微雨兒子臻喜檢予歷  
年日記忽憶前夢公殆於冥冥中預知子箴兄  
有今日之事歟雖然公不見夢於子箴兄而獨  
指示濬師又安知非因濬師久欲乞養特隱語  
以堅其志耶嗚呼世父授我矣敬成二十八字  
歸當展公墓焚詩以告俾知小子年垂五十未  
嘗一日敢忘公訓也

退一步齋詩集卷十

難忘啖蔗傳經日公晚年署其軒曰啖蔗又到疎林策杖時夜靜  
燈闌思舊夢儼然一幅畫圖披

始興江口

水淺舟行緩推篷睡起初沙灘驚舞鬼夜火照又魚石  
乳和泉滴松髯借月梳梵鐘聲不斷疑是遠公廬

石書房

雲封幽室竹遮窗三面青山一面江我欲攜書來此讀  
岸邊添箇繫船樁

南雄行館夜雨

更漏初闌掩竹局客途仍復宿公廳江聲到枕雨尤急  
寒氣逼人酒乍醒兩鬢隨身漸慵懶一燈照眼倍晶瑩  
蕭蕭頓觸聯牀感南嶺西川可共聽子箴兄  
已首途

度嶺

雁遠人回處梅關道路長束裝畏炎熱粵中四  
月即熱度嶺便

清涼石澗鳴晴雨巖松隱夕陽村氓如識我遙指鬢毛

蒼

南安太守楊君 錡 過訪兼贈盜器二種君年垂八

十其叔父爲子箴兄乙未同年也

退一步齋詩集卷十

十四

昔逢太守黃叔度謂黃  
印山今見先生楊補之邀我高衙噉

新茗不須大邑羨燒瓷飄蕭鶴髮顏猶壯讀罷魚書笑

展眉令婿孫丞志鈞  
託子寄書於君難得通家敦古誼恩分袂意遲

遲

泊女賢塘下登岸散步愛其風土作一詩示兒女

里名嫌勝母迴車不肯停古人重名義戒慎於無形泊

舟女賢塘一水環涎潑桑麻隱村舍彌望皆畦町牧童

笛橫竹農婦裙拖青美哉熙皞民疑未兵燹經我歸便

乞養無家等蓬萍安得攜錢來買此山岭營奉親山中

居采芝延修齡旁妻教女織燈火三更熒老夫課兒書  
茅屋雙扉局至樂忘去城市高歌飲仙醴

南康

濱江荒僻邑名以賢人知緬懷程大中判軍南康時一  
見周元公命兒師事之教成兩儒宗俎豆孔子祠眉山  
老髯仙曾題濂溪詩語語極傾倒似願捧檠匪奈何門  
戶分竟起蜀洛訾後來尙調停謂先本交推我每思坡  
言不能無所疑茂叔當承平功業鮮設施官雖沈下僚  
身未謹責罹呼爲陶淵明或可無愧詞胡乃比西山蹤

退一步齋詩集卷十

十五

跡等伯夷

坡公濂溪詩因地彭澤米偶似西山夫

濂溪亦云樂鳥由薇蕨

饑方其秉筆間用意殊難窺姑置勿復論登眺聊娛嬉

何處訪隱居

宋田闢爲南康人

江水空渺瀰

南安道中賦水車

團團明月那容掇幻爲大鏡光澄澈江頭築壩置天車  
水激輪開聲不歇一輪一束青竹竿細剖竹篾輪葉攢  
葉間有筒斜向上筒口受水飛波瀾高豈因風自流轉  
時或不雨忘曠乾無勞人力資灌溉天心省識農艱難  
扁舟安穩搖柔艫百八十壩歷歷數年豐玉粒滿倉箱

此車真可稱田祖

贛州喜晤蔣蕉林觀察繼洙

相逢都訝鬢毛斑十二年來一霎看東閣題詩勞水部

爲子題端西窗翦燭話金鑿君前官工曹尙思立雪程

門遠那料摩天蜀道難家子箴兄與君有一日之長君

也珍重當筵桑落酒明朝分手路漫漫般般垂問尙不知其罷官消息

入灘

舟行至儲潭領畧煙波趣廿里水口塘便是入灘處怪石紛嵯峨連絡竟無數我乘一葉舟直與石爭路徑狹

退一步齋詩集卷十

十六

恐撞觸左支仍右顧稍寬似有容激湍不能住曲折隨

地勢平安賴天助偶披舊圖經往往名字誤李君精考

證北程曾筆著瀕行持贈我讀之足依據李恢垣著北程考實一

灘爲橫絃一灘爲天柱第三茶壺洲林木半交互望望

觀音堂疑被虎狼踞磨牙張巨口似阻行人去大湖卽

下釜奔騰逾騏驎再進指狗腳篙師亦驚怖帆影石罅

出人聲甕底諱豈其魏賊臣三拳天子扑昔來纜難牽

今至目屢注北來者向無禱路玉女應洗頭銅盆孰鎔鑄銅盆

錫洲尾飾槽忽平坦浪刷土橋淤叵奈順境少水性逆則

怒拘束若老鼠偏與牛角遇訇轟龍未醒跋扈貓未捕

意馬兼心猿黃金無地布老鼠龍灘最險黃金洲灘一名馬猿灘笑喚崑

崑奴逐猴如逐兔猴子石灘在崑崙崙塘書生過武索那復邀文譽

萬安好風土尚記留詩句征夫話前途煙霞療沈痼急

溜判大小大小溜灘為第十三十四曲尺等杯渡曲尺灘小而平何年西域

種瓜熟子饒裕瓜子灘綿繩繫筋籠一斛儘收貯綿繩塘去瓜子

灘三古洞號狐狸陰森罩昏霧孤臣泣惶恐灘名十八

具近者海舶便商賈悉馳赴斯途遂荒涼民貧罕安厝

賤子宦游久兩番喜沿泝承歡奉慈親對景呼稚孺舉

退一步齋詩集卷十 十七

頭山靈迎放懷風伯怒停橈小驛前依然五雲護萬安五雲路盡矣

白沙村萬安白沙村

狀元宰相非難事難得乾坤正氣存遙指白沙村畔路

半帆斜日弔忠魂十四曲只等林鄭

萬安廬陵土尚留舊日五夫請前雲氣

昔者陳思王北河欲親祭彼哉宋高皇汴京任淪替漢

賊尚有子趙代竟無弟堂堂忠簡公廬陵著門第抗疏

達九重力陳戰守計詎知和議成忘親納金幣檜倫兩

奸頭乃道長竿繫國家事至此憤極空隕涕哲人不可  
作末俗賴激勵瓣香六一賢并世平園契周必大昂首青  
原山高峯插天際

墨潭塘

纔別七姑嶺旋經三角灘賣魚喧小市飛鳥下層巒塔  
聳看雲起江深覺夏寒呼童汲潭水研墨寫冰紈時爲人書

扇

泊舟吉水書所見

人聲嗷嘈犬聲起金鼓迎神滿城裏男無冠帶趨類鷺

退一步齋詩集卷十

十八

女不釵裙蠢若豕鐵爐一縷香煙生衆口謹呼神至矣  
腰輿穩坐包孝肅黑袍黑面風儀偉繫予持節莅端州  
孝肅英名恒仰止烏臺矗立說奇異流俗荒唐那有此  
憶公并未領此邦尊崇何亦端州比街頭獨立忽感喟  
我與包公本同里汝儕尙解供明神願爇椒蘭助禮祀  
雲旗飄颺靈式憑博公一笑清河水

釣魚臺

峽江北上水如雷客子光陰節序催昨值端午不羨六鼇無  
妙手乘風空過釣魚臺

臨江道中

炊煙裊裊散輕絲兩岸人家飯熟時樹底藏鶯聲噫噫

籠中棲燕語遲遲予所畜白燕已十年矣江流迢遞黃沙堵仙界

清幽碧玉池苦恨匡廬偏負約詩成先遣老僧知去年廬山

僧覺善在端州訂匡廬之游竟未能踐

### 泊樟樹鎮有感

閣皂山頭雨濶濶竹樹紛披綠雲縮布帆一瞬過沙湖

樓塔巍巍猶在眼樟樹鎮口輕舟停舟中燈映江中星

挑燈夜坐苦寂寞三更不寐風泠泠豐城劍氣歸何許

### 退一步齋詩集卷十

十九

酒盡悲來醉空拊喔喔村雞豈惡聲壯心老去都消沮

君不見戴德孺王陽明婦滅豎子功勳成波濤莫謂限

南北千里長江皆要津

### 登滕王閣漫賦

依然高閣俯城闔緬想華筵落帽辰佳婿羞焚懷裏橐

書生氣壓座中賓江河萬古文章在風月三秋棟宇新

閣於兵燹後重建我正憑欄憶都督往來誰是有才人

### 呈李捷峯中丞

章江門外柳含煙瞻望旌旗喜欲顛潦倒部民頭似雪

招邀官閣酒如泉爲談作郡濠梁日尙記論交殿陛

前

同治丙寅公與潛師同保御史未及引見公已擢守鳳陽

一卷奇文最欣賞青

燈許我共摩研

潁行公以課士文見賜

贈彭芍亭方伯祖賢

南嶠車風困壘地有

同年等弟昆況君十年長分襟宦西嶠面隔寸心想方  
意巧會合嶺外馱歸槩君聞賤子至張髯笑拊掌賤子  
握君手喜極翻惆悵豈期東野寒久邀昌黎賞驅蛩旣  
依倚雲龍逐下上沾酒留我醉絳輝輝碧幌連朝頗蒸  
溽新雨快洗盪爾來烽燧靖爭睹中興象連帥古重任

退一步齋詩集卷十

二十

民物賴育養魚性忘江湖驚奔畏密網頗聞豫章人說  
君風度爽鎔鑄金入冶控馭駒就鞅約躬雖廉儉持正  
不矯枉君言無異術爲政戒擾攘與其急功利莫若絕  
偏黨與其矜才智莫若甘木彊毋甯慎於始差免悔旣  
往危坐聆君語快勝搔背痒菲才忝監司百事覺鹵莽  
自慙砭砭質恨未遇剗磔嗚乎海南郡車馬困塵坱奇  
怪紛木石半是夔蝸蝓健兒好身手抉剔奮兵仗可憐  
玉石焚烈火逼邊壤積薪而直突焦爛及頭顙祝君秉  
節鉞和煦變強獷鴻雁無哀鳴梟鳴絕凶吭不見路懿

範首誅哥舒晃

小泊南昌許季仁太守同年善長偕蔡文臣觀察

招飲寓齋皆官京師時至好也久別重逢

殷殷話舊卽席賦此情餘乎詞

不挂征帆更小留一尊相約意綢繆才人勝閣凌雲筆

司馬潯陽載月舟季仁新製傳奇數種甥舅親情歡握

手時陳遂生舅氏同在坐季仁亦長安往事話從頭百

花洲上清冷水待我重來作勝遊

鐵柱宮

退一步齋詩集卷十

二十一

蝗蝻成三尺雪蛟螭絕一丸鐵真人法力與天通一柱

鎔成萬姓悅人道老蛟惡我道老蛟愚雨暘應時歲豐

稔深山大澤堪藏軀無端波浪恣澎湃田廬淹沒民其

魚河伯使者不汝驅助汝爲虐增汝辜父老相傳九仞

井毋勞螭氏禁妖青試把長繩汲井泉箇中疑有擎雲

影我欲歸尋禹會村塗山古蹟至今存腥風不起支祁

怪頑鐵區區奚足論

肩輿過百花洲未得一遊詩以志歉

迤邐東湖路樓臺曲徑通名區連谷鹿蓼洲卽水經舊

壘弔沙蟲

宋紹興中習水軍於此

對景勞雙眼臨流鑒一泓何當

攜酒榼來訪賣魚翁

留別舅氏陳遂生先生

志培時以道員需次江西

少小同文戰馳驅歷宦途臨風念鄉里如雪指頭顛扶

杖慈親喜銜杯良友俱

指黃子奇張西園諸君

中丞情更篤

捷宰撫部

先問見公無

知我貧猶昔勞勞客路長傭書效蕭銑歸隱勸韓康此

去新編稟吟公舊種棠

公宰郡陽最久

涼宵篷背雨和淚滴離

觴

退一步齋詩集卷十

二十二

舟已行矣苟亭追至話別彼此黯然午過象牙潭

再賦一詩用誌同年交誼之篤

聆君清言霏玉屑教住扁舟重話別似憐駑馬困鹽車

不許野猿匿巖穴故人情媿匡廬高匡廬山頂鳴松濤

枝柯蒼翠覆濃蔭曉日亦自烘蓬蒿江水滔滔浪騰涌

長年三老猶驚悚岸邊小艇臥漁翁獨擁蓑衣睡懵懂

拂拭緗囊舊買琴一彈再鼓感知音迎風譜出歸雲引

清淚沾衣雨不禁

將至樵舍天大雷電以風舟人收帆抵岸急雨數

點而已呼僮命酌卽事書懷

怒雷笑電霎時作舟子倉皇理篙索山頭潑墨雲正起  
水底卷花雨將落乘風差喜輕舟輕到岸一片沙灘橫  
白鷗避人半拳足青蘆戰葉含秋聲是誰狡獪竟難詰  
欲斬鯨蛟清貝闕走飛沙石磨客膽驅遣濤波壯詩骨  
須臾霞綺盈長空前峯落日胭脂紅好乞阿香收霹靂  
醉呼宋玉賦雌雄

吳城晤蔡雲峯太守

嵩年

燕市同驅薄笨車矜江屢枉故人書杜陵天末方懷李

退一步齋詩集卷十

一十二

楊尹今時敢效疏

君聞子將乞假養親頗加贊歎

雲樹蒼茫京口路桃

花消息武陵漁盍簪有約重攜酒水石先尋處土居

東坡

詩處土風流水石間盍簪子遠祖玄英先生也

過湖

昔年渡湖當仲冬朝陽直射寒雲紅今年渡湖當夏五  
手啟篷窗汗揮雨去來南北皆順風快如駿足輕如鴻  
平生遇合亦偶然絕非人力憑天公天公知我奉老母  
不放狂飈驚白首布帆安穩下中流須臾已達珠磯口  
珠磯卅里波云云鑪香遙對荒祠焚繚水起伏合不分

蠡山屹立空無羣此行第一銘詩勳高歌爲謝鼉將軍  
猗歟將軍有耳應知聞

鮑照詩泊舟湖口晤鮑伯熙太守孝九詢其尊甫花潭中

鮑照詩丞近狀喜而有贈鮑照詩雷公與罌中

逆風吹船船不開石鐘山下洪濤堆宦遊已覺夢婆醒

子方異地忽報良朋來問訊尊公近安否君言昨向章

江回思許養病住八寶行年七十顏猶孩買鄰卻遂

平素志青銅千萬非輕財江淮卜築若謀合皋鶴喜得

村雞陪宣武坊南昔還往微名頗荷尊公推憐我清貧

退一步齋詩集卷十 一二十四

分俸粟何減嵇阮交山該中丞官太常卿時視學談揮

麈尾白玉柄目空燕市黃金臺謬許追風騁神駿那料

伏櫪成鴛駘嶺西一莅十一載鬢毛斑矣身虺虺善刀

而藏勝投効歸計獨決羞遲徊三尺侏儒食易飽牛園

松菊期親栽昂頭天際謝鴻鵠相去霄壤忘嫌猜岸逢

癯僧指雙耳適有僧來募緣云聞蟻鬪聲殷雷乞與罌中治龔

酒探囊自取琉璃杯半生碌碌弗解飲江水漲綠如新

醅請僧汲水貯瓶鉢淨洗碧眼除紅埃大地衆生苦災

難譬諸枯草傷根芟稽首維摩衍法力甘霖溥徧消炎

煨木魚當胸杖在手亟呼居士休嘲談居士不語太守  
哈癯僧癯僧胡爲哉毋溷乃公正清話別離情緒斜陽  
催袖中出書倩我寄恰伴一樹羅浮梅歸訪尊公哆笑  
口入門屐齒沾蒼苔

舟行九江屬境慨賦

舊事依稀記不清空江商婦亦多情白頭又指潯陽道  
贏得人呼老大名  
何處重尋珠玉坊千秋黨籍有蘇黃擬攜山上漸漸石  
鑄就碑工姓字香

退一步齋詩集卷十

江上晚晴

挂起蒲帆趁晚晴鄉音漸近皖公城雲收雨脚風猶濕  
浪湧波心月有聲釣艇人歸魚貫柳茅檐煙重飯炊秬  
此身輸與閒鷗鷺蓼岸蘆汀自在行

舟行望九華山憶辛亥秋過青陽恩恩未得一遊

今二十九年矣塵鞅久羈賦詩誌歉

太華無此奇女兒遜其秀

本劉禹錫詩序

冊里袞袞地竟爲名

僧售我意金地藏定嫌異域陋不然數萬途焉肯跋涉  
就山非因僧著僧實賴山祐童子爾何知思家心計繆

空門涕泣別煙霞拂衣袖巍巍九子峯震耀古今宙少  
年太疎懶未解窮巖岫山靈嗤頑俗許望不許觀案頭  
溫美酒對飲嵐光透醉入一壺中縣延百齡壽金地藏年九十

九

過當塗有懷孫文寄鶴先生登年

不禁懷人感蒹葭任溯洄我思年少日公每歎奇才先生

與先大夫同官東流濬師時年十七以樂志琴書酒傷詩文請誦先生大加稱賞目為奇才

心歸去來先大夫歸田後先生竟殉賊難風前雙眼淚沾灑到泉臺

楊養之郡丞留宿寓齋夜闌有感

退一步齋詩集卷十一 一二十六

清談不覺漏聲微天壤誰知善者機紅板江橋鴻印遠

烏衣門巷燕飛稀一墩何苦爭來去三耳無勞辯是非

我亦瞻園舊賓客庭前楊柳尚依依郡丞南安卿撫部曾承宜江甯

夜雨訪吳畏齋親家應焯卽以賦別

粲粲譙鼓正三更冒雨敲門主僕驚忽地相逢悲喜集

夜窗翦燭話親情

敬爲南豐一瓣香握衣屢過拙修堂海山兜率知何處

十載前頭謁侍郎戊辰在江甯謁尊甫竹如先生今歸道山久矣

空門紀夢

午夢入華胥何來鬼一車蓬頭前進士捫舌老尙書  
栩栩疑胡蝶行行伴蹇驢醒時步江岸槐影正扶疏

金陵雜感

驅除豺豕闢荆榛往事淒涼懶重陳賣菜傭奴還識我  
過江名士竟無人曹騰戰血添新塚激灩長淮指舊秦  
遮莫盤空鷹隼健高秋誰與出風塵古隨琴韻戰絲絳  
暫卸征帆暑氣滋清涼山亦畏炎曦搖風葵麥含生意  
近水樓臺異昔時西北軍容猶壯盛東南民力半瘡痍  
威刑底用加黔首丹詔諄諄德教施

退一步齋詩集卷十

二十七

牙旗玉帳儼通侯恨不持鞭學御騶十二年間紛戰壘  
五千里外一歸舟板橋楊柳扶殘影沙岸蘆花引暮愁  
曠有端溪峯字硯石耕早爲子孫謀  
故人握手語殷勤酌醕醪對夕曛古調琴難彈綠綺  
倦飛鳥敢忘青雲一坏莫奠袁臨汝隨園先生墓已迷失三絕空  
傳鄭廣文侯青甫廣文與先公爲文字交嗚咽潮聲中夜起賞心亭下  
水泫泫

謝文伯純所藏載花圖乃道光乙巳黃可庵足民  
作今年至江甯出以見示屬爲補題

曾見先公題此圖中詩句半模糊

先資政園中題句今四持軒集遺載

堪悲老輩凋零盡

謂世父蓮舫公業師黃琴士先生

卅五年來歲月徂

買得黃牛駕小車烏衣門巷本公家可知飛去堂前燕

依舊銜泥帶落花

眾芳莫謾畫中看小謝於今正服官好種河陽花滿縣

春秋佳日足承歡

詰詞次芳表弟需次江南縣令

瓜州道中

揚子江頭暑雨歇倦起推篷看山色江山有意助詩人

千頃波平眾峯列是時紅日剛西偏欲落不落金盆圓

退一步齋詩集卷十

二十八

漁歌欸乃水雲裏輕舟一葉浮長天晚涼彌覺氣瀟灑

散髮科頭新沐罷清泉烹茗蟹眼細活火添薪鑪足矮

玉乳初調舌本甘汀洲蓮蕊正紅酣香風吹送瓜州道

星火微明洽兩三

子祥二兄寄寓揚州歡聚數日喜而有作

白首相逢老弟昆紅燈張飲奏簾塌拋來苜蓿無長味

兄以無為訓導乞假養病

話到干戈贖淚痕海上乘風念猶子

三姪

入都引見聞已至滬上

庭前扶杖喚童孫

指燕

天倫樂事憑誰叙

好寫蠻箋報夢園

子鏡兄近亦罷歸

示兄孫燕昭  
宦遊疏骨肉避兵去鄉里故鄉都荒蕪下居罕定止合  
肥有舊廬寶應實新徙勞勞走塵坌念念在桑梓君  
恩百無報母年一則喜途遙歸裝輕風順扁舟駛汝方  
棧道還我謝炎嶠使見面恐不識握手各莞爾堆盤進  
甘瓜洗盞酌清醜絮絮問家事依依若孺子寒門蒙祖  
蔭累葉慶蕃祉籓雲竝鸛鸞奔電奮駮駟汝今少壯日  
英氣似無比要當富典籍安肯誤紈綺吾鄉姚惜抱文  
章追正始幼秉薑塢訓經經而緯史後來石甫翁勳業

退一步齋詩集卷一

一二十九

稱繼起惜抱奚敢望竊願執鞭弭廣受父子榮軾符祖  
孫美

符東坡姪孫坡詩所謂  
夢中時見作詩孫也

吟詩思古人高山但仰企

其二

乙卯莫春月登車賦北征吾媵挈兒女同發平阿城烽  
煙滿四境行李累匪輕媵氏向我語長途賴經營行行  
重行行大河方前橫波濤震長橋轟厖晴雷聲汝生未  
週歲大母珍瑤瓊抱汝坐車中兩手僵不更雨霽泥滑  
滑輿夫力難撐雙輪忽中陷僕從皆膽驚我時偕汝父  
搖搖心懸旌急趨往視之幸汝身安平阿買扶其母息

喘松陰棚置汝於我懷幾欲嗤倒縹風塵耐艱苦相送  
來燕京眉目誇汝秀聲音喜汝宏轉瞬廿六年舊事還  
分明謾謂事分明老淚如河傾可憐汝大母不見汝長  
成汝父亦彫喪竹林空馳名我今奉母歸買田願躬耕  
揚州二分月聚首歡衷情挑燈娓娓言書以呈吾兄

其三

閱汝數行書敘述頗了了大父年已高兩叔均稚小食  
指既衆多米鹽計宜早以我骨肉親故爾肺腑道杜田  
何足慕汝誠吾家寶我亦有所陳殷勤令汝曉憶昔官

退一步齋詩集卷十

三十

京師饑腸每不飽臥雪袁安窮貸粟監河惱竭力供菽  
水食苦過荼蓼賴汝大父憐分俸自嶺表後先十載間  
微名登上考繼兄持使節端江歷寒燠至今兩袖風清  
貧堪絕倒吾兄性坦直居官惡飾矯錦瑟殊齊竽強弩  
穿魯縞虛牝牀頭金雄文案前臺罷歸空囊橐圖書耀  
細縹晨夕汝在旁饒膳定美好甯汝節衣食俾伊暢懷  
抱他時汝顯榮家聲庶遠紹勉旃慈孫慈娛我老兄老  
一硯卽良田勝收千頃稻

林綬卿都轉同年

述訓

招同孫丈省齋方伯觀戲

友梅觀察肇辰小飲寓廬卽席呈諸公

連宵都在醉鄉中省齋丈及諸同怪底燈花照眼紅明

月二分千里隔芳樽一夕四人同四人皆北山迢遞遲

逋客南海歸來半寓公省齋丈與友梅皆不復好語循

州周彥質功名原不異吾躬綬卿服闋卽入都

六月初一日張午橋前輩丙炎招遊平山堂

良朋偏愛我攜酒蜀岡前未拜初三月先嘗第五泉江

山今昔夢煙雨去來船補種梅千樹披圖意灑然注茂

蜀岡補梅園曾人心泉乞子為跋

退一步齋詩集卷十 三十一

汜水道中感懷

醉裏空愁尾畢逋幾行疎柳正栖烏雄心尚指黃天蕩

歸計聊尋白馬湖長夏江村吟杜叟富春煙艇羨狂奴

蓴絲未老鱸魚美莫向西風滯宦途

抵寶應寓居

喜得一椽託頓忘五嶺賒謾云善居室誰謂我無家桐

蔭宜招月梅枝待着花高中老梅兩株海風吹夢醒端

不羨乘楂兒輩亦由海道先歸

花潭中丞聞予至輒先枉顧詩以謝之

白髮朱顏一笑迎多公依舊魯諸生可知今夕安宜月

猶似天街送我情戊辰出都蒙公餞送今得重聚喜可知矣

袁江奉別張友山中丞兆棟

度嶺隨公後還家讓我先薦衡會上表說項屢傳箋知公

子貧致書諸當道為子覓館價豈青萍長名因苦李全却淇北流水

別淚共漣漣

奉謝文質夫漕帥同年文彬代奏開缺養親

聖時安敢臥蒿蓬卻有微忱願自通報答三春依壽母

陳情一疏託明公滄浪濯足歌清水嶺嶠回帆幸順風

退一步齋詩集卷十

三十二

從此承歡學園圃周家菘韭阮家葱

度嶺以來未得子箴兄消息昨揚州書至知其生

第二會孫川官憶坡公賀子由生四孫詩云無

官一身輕有子萬事足不覺失笑因次坡公詩

韻代柬

罷官謝峩冠免嗤楚猴沐添丁喜充閭又報新雞浴讀

易頗有悟先剝後乃復積善必餘慶忍事且捫腹朝來

得書問不惜黃犬足弄麀發笑粲生駒待品目請看錦

城盜何似藍田玉君恩許歸耕二頃田土沃砌繞馥

穠蘭處立森森竹腰間一劍賣案上六經熟耕餘攜卷  
素穩騎牛背讀浮雲變蒼狗底用雙眼矚我亦奉母歸  
居向安宜下惟冀兒孫勤課程分日督

夢中見卓文端公羅文恪公命予作詩醒而一字

不解謾錄之以誌異

眼底榮枯豈易量杜陵野叟淚浪浪冥誅未伏徐知道

天意奚容段子璋護口有時加屈賈磨牙無路避豺狼

東京歸去田園在莫謾人前說草堂

語帶煙霞嗜好殊文慚隋陸武孫吳妖氛至竟因誰滅

退一步齋詩集卷十 三十三

鬼妾何曾充爾娛載寶南宮工結納煮鹽東郭太庸愚

泉臺若覓金尊酒休向餘杭阿姥酤

天意冬夜有懷長樂初將軍

倚枕蕭蕭五夜風離懷都在鴈聲中偶然窗外寒香透

擬折梅花遠寄公

珠海金臺笑語陪廿年交誼比陳雷青鞵他日趨鈴閣

應笑翩翩野鶴來

素襟

退一步齋詩集卷十終

退一步齋詩集卷十一

定遠方濬師子嚴著

陽湖呂景端編校

春暉延慶集一

己卯庚辰

存五十四首

舟行卽目

亢帆趁風行推枕對山坐初冬寒尙薄殘月光猶大鴉  
聲樹頭起鷗夢艣邊破遠寺來疏鐘禪心洗塵泥

抵揚州喜晤子箴大兄用陸士衡贈從兄車騎詩

韻賦呈四章

歸田凜昔夢散步思秋林

事詳子十卷詩中

桃李任穠豔冰雪

退一步齋詩集卷十一

望素心惟彼蘭亭遊盛會傳山陰水光并山色胸次常

浸沈右軍雖陳迹千載吾所欽開樽坐霜曉薄醉寒未

深良友來不速送抱還推襟請君奮綵筆一倡瓊瑤音

小鳥寄枝柯鼓翼戀舊林交交枝間語彌感客子心蓬

蒿竟滿逕楳木無清陰賃廡等揚舟汎汎隨浮沈越裝

羞陸賈中山慕吳欽勞形鬢髮改稅鞅鄉情深堂上侍

金萱風前滌塵襟撫琴向汾亭敢云廊廟音

蜀岡路透迤高堂開谷林朗吟髯公詩眇默愜我心飛

葦更舊觀種樹成新陰

平山堂兄官運使時重修

酒誇北海美香蕪

南海沈君子正遠隔思望中欽欽夏間張午橋前輩招游平山兄尚滯蜀中

今日復何日慰茲契闊深話雨再對牀消寒續題襟警

欵在君側楚然聞足音

異鄉不可留煙水指故林聞買肥津田願牢學稼心安

排八百桑消受十畝陰賞雨步東皋雲泥聽飛沈儲糧

足魁芋醉棗求糜欽莫謂城市喧但期屋廬深多栽棠

棗花光輝滿衣襟棠棗日光輝高襟應序歸沈雲卿詩也待我歸來時兒

童識鄉音

沈彥徵觀察前輩招往鎮江道署賦詩奉贈卽以

退一步齋詩集卷十一 一一

誌別

金山秀峙雲爲屏鐵甕聳列江環城名區勝境付管領

沈侯意態豪而英政成民樂年穀熟公暇便見江山迎

聞我歸來大歡慰赫蹏遠寄同心朋繫予與君交不淺

廿載燕市隨車塵禁門趨直聽去玉漏譯垣揮檄燒銀

燈執戈憤擬戮封豕蹈海怒欲吞長鯨局中事機那忍

說吟詩曾贈山東陳昔年贈子敬觀察詩有局外是文

公博川竹巖後先死爾我知己今何人風塵墮落

各分散空餘白髮雙鬢鬢我已無聞屆五十六年以長

君尤增乘驄服豸秉使節羨君老氣偏縱橫關權兼司  
貴經紀銖積寸累司農登和戎雖利亦有害豈徒歲歲  
勞金繒曰可則可否則否但期公是毋私憎君昔風雷  
奮筆舌片紙足敵千萬兵火攻水戰擅奇技摹仿製作  
窮窳冥竊恐在人不在器移步未必仍常形固結民心  
布忠信簡練卒伍避強勦三十六鄉番禹勇至今夷虜  
驚威名漫委天時盡人事人定卽賴天公靈側聆島酋  
恣要挾至尊赫怒頌絲綸老成謀國具妙策鼙鼓悉破  
蒼蠅聲走也退閒敢出位嚇蠻書向君侯徵光芒宇宙

退一步齋詩集卷十一

二一

懸日月滌蕩妖孽除擅腥封疆指顧屬吾子草茅跼伏  
欣昇平招我官衙重握手話舊坐盡譙樓更一尊飲君  
京口酒雙袖拂我崧臺雲互相問答雜悲喜檢點食飲  
加殷勤悲君中饋失賢偶喜我遠道來難兄我言慈親  
近康健君語嬌女都長成叨叨絮絮肺腑罄深深款款  
肝膽傾自矜交誼滿天下反覆未有君侯真久住或恐  
定省缺遮留屢飭舟帆停別君行矣君勿嗔明年再訪  
江南春迢迢淮水一衣帶得閒還復揚吳舫比肩右拍  
李方叔聯袂左挹吳將軍

謂夢蘭朝傑兩公

我快斯游洗俗瘴

公等小聚疑德星驪駒鳴嘶轉纒綵迂詞上達君侯聽  
持躬圭璧儼瑩潔接物風骨時峻嶒加餐努力報主  
眷造福盈耳稱公明豈惟廉立到貪懦直令威德周滄  
瀛會當杜門聚毛穎叙述政績吾猶能噫嘻叙述政績  
吾猶能江上青山似笑謔

吳朝傑總戎家榜招飲觀劇卽席有賦

細柳營開寶炬紅壯年建節讓元戎陣嚴魚鳥風雲合  
氣懾鯨鯢渤海空報國功勳同李牧憐才今古屬吳

公

朝傑汲引寒  
峻人爭稱之

引杯看劍呼予起喔喔村雞到耳中

退一步齋詩集卷十一 四

象板鴟絃雁柱箏綠氍毹上舞衣輕照來璧月瓊枝影  
譜出冰車鐵馬聲魯殿靈光傾四座形甫先生瓜洲星火靜

三更玉臺傳遍徐陵句

仁山

好與同心舊侶廣

時同席者沈彥

徵前輩李夢蘭觀察  
皆京中昔日至交

冬夜感懷步子箴大兄見懷詩韻

莫遣堂堂日月征殘更獨夜旅愁并颺輪東海空馳檄  
幕府西陲尙論兵五嶺音書勞遠夢一城砦杵動寒聲  
腐儒別有憂時淚豈爲窮途觸寸情  
偷嘗石髓駐修年老去依然雪滿顛未必葉龍皆偽種

那知唐鼠亦真仙求魚有缺憐豪客卓地無錐證祖禪  
我欲臨窗問清鏡媠施終竟是誰妍

庚辰新正二日喜謙齋至疊子箴兄前韻奉贈

記得干戈賦北征相逢不覺喜愁并雙魚曾供堂前膳

單騎能揮壁上兵

二句指君辛酉年事

湖海元龍仍壯氣雲霄老

鶴自仙聲建牙列戟多同輩獨有王微少宦情詩

別來彈指廿三年耐可頭銜署老顛一代幾人甘隱逸

千金無藥買神仙遊山早辦沙棠屐煮筍同參玉版禪

多謝青燈能伴客夜深花蕊鬪清妍

退一步齋詩集卷十一 五

謙齋以舊藏小輞川圖屬爲補題

過眼滄桑劫運消故園猿鶴喜重招依然老屋東西陸

不數仙崖大小蕭三逕風花誇鹿柴一編詩草擅龍標

君有懼歌截句感傳於時

青鞵布襪償吾願準擬來遊理畫橈

題李夢蘭觀察經訓菑畚圖

牛背觀書穩似舟朝衫脫卻事西疇昨逢秋浦耕耘麥

猶自殷殷問故侯

夢蘭曾守池州

君家哲弟我齊年腑肺論交卅載前好語趨庭賢阿買

十三經庫是良田

梅謔曝日適子箴兄和謙齋五截韻至因步原韻  
東謙齋并寄子箴兄

兩樹梅花燦早春多君遠訪閉關人巡檐好索先生笑  
湖上逋仙有後身

十載驅車向越臺臺前花鳥逐人來請看多少調羹手  
都是商巖版築才

曾共漁翁泛野航停橈山下采都梁乘風直泝淮淝水  
手爇名香對舉觴

一硯端溪舊日持卽將此硯贈心知  
時檢所匪  
端石奉贈願君留

退一步齋詩集卷十一 六

貯青箱裏別後屢拏慰所思

冰鯽攜從曉市過春風杯酒詠涪皤登筵漫詡銀絲膾  
名士而今已不多

題子箴兄忍齋習靜圖

忍齋先生悟遠旨收拾胸懷靜於水靜中滋味善領略  
特倩畫師圖一紙自言通籍四十年  
道光己亥兄蒙  
恩記名學正學錄

今四十有  
一年矣四朝恩澤誠如天便從倬直東華日話到提

刑西蜀前 御園輪班會 召對翰林風采追前輩

至尊溫語催用功姓名傳徧羽林隊  
乙巳兄以編修  
召見奉 宣廟 聖

論來歲考差  
汝好好用功

鼎湖龍去髯莫攀孤臣泣血羈鄉關江淮

烽火重重起桑梓團防事事艱書生爲國志彌壯置身

鋒鏑饑寒忘前席密陳戰守策毀家屢助鄉兵餉吾謀

不用空嗟吁輓紅馳逐脂輕車誰知休璟原儒者拚作

高陽舊酒徒乘驄喜效桓御史手捧封章上天子嚴

懲奴僕昭法紀默契宸衷實始此

兄巡城時家奴有舞弊者奏交刑部

問及之

繡衣持節巡北江北江江水連滇瀧豐年積

穀義足尙高塚掩骼仁滿腔政成報最登止考久任朱

餘戒紛擾理財弗使錢穀乏

兄攝粵藩長籌兵餉六十餘萬兩

著論頻

退一步齋詩集卷十一

七

將鹽鐵討

見兄文集

廣州仙人騎五羊揚一益二都名

平反冤抑著衆口首木坪獄兼東鄉恥學吹竽但抱瑟

來往齊門無異術胡期倚伏觸危機那料爭持勞蚌鷸

平生學問非云深獨以知止爲規箴能定能靜悉在止

詎肯隨俗違初心方羨淇園歌葉竹亦解淵明戀松菊

驥馬長嘶力未衰濫雁哀鳴淚盈掬雷霆雨露皆君

恩事君致身敢憚煩小臣愚暗負培覆身雖廢黜心

猶存早秋涼氣散襟袖歸理蕪田事耕耨栽桑種秫意

偏適望杏瞻蒲期恐後有弟同歸慰白頭築亭正好署

休休一編披處心多妙萬物觀時得自由聯牀我聽先生語點首呵呵一笑許底用蒲團證睡禪且澄思慮抽吟緒安得相尋太古山芒屨筇杖指孱顏世情參透塵緣息只在胸懷靜躁間

謙齋往揚州忽忽經旬頗有離索之感步子箴家

兄和汪硯山見懷詩韻卻寄

謝公篤親友惜別感中年此去瓊花觀相思淮樹煙多君遊興健媿我俗情牽

君約予同遊金焦不果

喜有重來約春衣

換薄綿

君三月向來寶應

退一步齋詩集卷十一 八

霜氣王思遠風懷馬少游遙知輞川客定泛蜀岡舟明月二分朗長江千古流好將酬唱什封寄慰離愁別來無箇事鎮日萬書中開卷方知益憂時孰與同洗心皈馬祖斂足謝狙公倦向梅謔望寒花也自紅莫漫疑山賊平生託酒豪委灰空郁烈在浚避旌旄孟飢何須顧唐瓢合許操登樓應見憶白首幾回搔

子箴大兄屢書催作廣陵之遊先呈一詩用紆盼

望

遊山計已成出門期屢緩非關足力弱實緣性情懶繫

予少年日遇事頗勇悍曾觀倪迂圖

先公昔藏烏日山人仿雲林十萬圖

長卷峯巒豁雙眼徑欲通區域四海縱觀鸞腳著沙棠展

手持斑竹管高歌天宇闊長嘯風輪轉雖無句驚人恰

憑酒澆懣世網一以落塵俗空自赧十年走 帝京萬

里鄰嶺蝨瘦羝當藩籬疲驢值曉嗟窳束鼠入角困躓

鹿奔瞳頭顱豈不知飄蕭雪霜滿菽水戀晨夕江湖署

閒散種柳師陶潛啖芋謝明瓚平生富書籍愛護等塊

產掃除屋三間叢度門兩板供我坐臥讀校彼古今纂

翻噉在官日遑遑席未煖蝸廬方息影魚素忽披展吾

退一步齋詩集卷十一 九

兄劍道歸履險若平坦覓稅竹西駕吟情愈縈繹良朋

圖雅集食品鬪精映圍棋分井田調水試茶苑言念對

牀人此約應再踐扁舟碧浪穩小圃綠莎軟

兄命子至揚時下榻

春雷感兄意殷勤挂帆敢辭遠先呈五字詩聊復慰懷

闕緬西窗連夜雨樺燭好共翦相期陟金焦煙雲逸黛巘

獨上妙高臺莫須慮重趼

沈彥徵前輩寄詩見懷依韻奉答

夫子詩無敵平生酒作仙雲箋新舊什煙景豔陽天往

者長安侶今之六一賢醉來頻把讀更覓杖頭錢

奉母非耽隱柴門晝懶開春心涵寸草醒眼對餘蠶朽  
木堪逃斧黃金不鑄才香風吹滿袖新種野玫瑰  
綠蔭當門柳紅垂別館棠閒居安我拙豐歲慰農望報  
國期同輩無家寄異鄉籩筐欣早具躬自課蠶桑  
使君爲政美稱誦有輿人瀛海救波浪閭閻徧拊循祇  
慚鷗鷺性曾結鳳鸞鄰何日江天閣重烹一掬春

到揚州子箴兄以懷王謙齋詩見示因步原韻卽

寄謙齋

王郎今長吉攜奴騎小駟錦囊貯筆墨得句便歌舞廣

退一步齋詩集卷十一

十一

交有狂癖出遊無定所公卿盡平揖醉尉那敢阻目空  
戰穴蟻力振騷壇虎屈指朋儔中君真嵇與呂我昨乞  
養歸柴門終日杜多君遠道至歡笑忘賓主拈題韻每  
險縱酒拇頻賭自媿瓦缶音詎敵淵淵鼓君家富著作  
時序君家  
歷代詩徵不數城南譜兩句詠春風一朝散舊雨揚州  
好明月正挂幽人戶謂子箴兄幾叢芍藥花輸君踐香土我  
來君已去孤負江上艣遙指小輞川相思隔煙浦

題汪硯山茂才

蓋焦麓訂銘圖

君有瘞鶴銘攷

遊人來往焦山下都揭磨厓字數行誰似汪倫精賞鑿

銀鉤鐵畫辨微芒

山樵真逸兩無名古跡摩挲老眼明我亦有碑誇說罄

予家藏說罄本磚塔銘張叔未解元書物也

一麻肝食待君評

題心泉和尚蕉庵吟臺

心公結蕉庵禪定嗤夢鹿葆此清淨體普種人天福拈  
花證菩提起草富卷軸一篇燕巢詩感慨雜歌哭那料  
方外士亦自胞與篤講律吾不知佳句衆所服願爾去  
稊稗佛地播嘉穀但精一鉢水便可百畝熟灑埽香積  
廚蔬筍轉嫌俗愧無廣長舌請洗雲水目吟成動幽興

退一步齋詩集卷十一 十一

開甕吸芳醪醉指谷林堂綠陰滿檐屋

西瓜燈同子箴兄作

籠葛擎荷未許侔團團冰雪費雕鏤丹心原自包餘子  
青眼何曾識故侯曾記兒時偏有味誰云火候不宜秋  
饒君一種空靈腹能照寒齋萬卷不

和子箴兄白鳳仙花原韻

莫道階前暑氣多  
好花如雪疊輕羅  
拋除朱紫歸平淡  
點綴園林足嘯歌  
編袂有誰憐羽客  
珠環端合贈姮娥  
良宵甘露頻沾灑  
丹鳳還應頌在阿

將返寶應子箴兄賜詩送行和韻奉別

高庭森綠陰為補假山缺低池淪碧波不令清泉竭

予困塵盆覽鏡面若鐵鞮一以謝幸就七賢列

官嶺南先

後歸者自形甫先生以次凡七人屬諸嗣薌絕圖

冒暑懸風帆納涼棲雲穴

榻處為黃氏舊時棲雲館

名園許小住彈指輒經月阿兄喜弟來雄

談驚落屑亟詢大小佳耿耿值夏節頗思宦遊歸爾我

生計拙田荒犢力健木壤獠足捷問塗冰氏寒耕虛東

野熱朝夕侍親舍看雲異仁傑北堂茂萱草長春自怡

悅彼其藩籬花飄搖空一瞥桃李難榮冬柏松堪耐雪

退一步齋詩集卷十一

十一

分散沙休搏甘苦茗可啜遙天有雁行振翰且頡頏

繫書到君手論事視吾舌別淚莫輕灑新詩正奇絕山居

富吟詠策蹇徧陸垆

兄中秋後亦歸廬州

示三女介榕猶子臻廣時臻廣返揚故次首及之

十八年前事渾如瞥眼經慰情微玉勝送喜兆金鈴

七月介榕生於京師是冬臻廣亦生於韶州今十八年矣老我慇懃語教他姊弟聽

詩書與鍼術好作座中銘

又挂征帆去依依僅一旬燕雛黃口小

指八

鶴髮白頭

親嘉穀書田種

上

芳蘭綺席春香花墩畔路先為掃

塵子與子箴兄約  
今冬聚首肥上

題王遜之毓敏自鋤明月種梅花圖

十年訪徧嶺南梅手折南枝度嶺回今日披君圖一幅  
花前月下許追陪

步屣園林樂事賒垂垂香雪任橫斜寒天元鶴如相守  
便擬西湖處士家

水邊明月影扶疎老蚌新含明月珠君新得佳兒傳語東風

多結子君家原有十三株十三本梅花書屋樓村先生故居也

題詩我更憶金昆襟袖朝臺別淚痕乙卯與賢兄文勤公訂交京邸己巳

退一步齋詩集卷十一 十三

庚午共事粵東期許最厚卻對清芬念交誼呼僮沽酒隱柴門

贈方存之明府宗誠

仲舒生廣川穎達起衡水惟古冀州域本為名儒里先

生今名儒董孔堪並比而況駐雙鳧翼民歌樂只政聲

既洋溢公暇富圖史刊書景前賢分俸庇寒士大吏迭

表薦九重頒詔紙君曾膺明保正擬登明堂良材收杞梓

先生悠然笑可以止則止長揖謝父老帆影皖江駛舊

徑雖荒蕪新居幸完美卷蹟除鶯氛樂志種蘭芷

國朝談文章吾皖有宗旨卓哉方劉姚三家實鼎峙先

生繼其後譬肉得精髓賤子更致詞狂瞽不自揣治經  
若聚訟漢宋異轍軌操矛墨守發鑿竅渾沌死難免百  
步笑頗成一闕市何如洗兩眸披襟對清泚但取古人  
善弗因俗情徙所學貴心得見到卽至理往者霍山公

竹如  
侍郎

士林咸仰企洛閩衍嫡派直摩清獻壘我曾貢微

言仁知各有以外物奚足徇鞭辟求諸己是丹而非素  
好宮欲去徵終竟還私臆仍屬徇外耳公謂汝小子辯  
口亦可喜嗚呼數年來哲人復萎矣那期白首歸勞君  
舉玉趾願君加規範稍解頑且鄙側聞兵燹餘士風日

退一步齋詩集卷十一

十四

委靡君今返故鄉後進推陳紀持此琨玉質與俗相龔  
砥高可典墳玩下或時災弭秋月正揚輝晴雲方結綺  
無計留君行吟詩慚陋俚遙指浮渡山買田共耘籽

遣懷和子箴兄原韻

二頃田園一草廬漁樵混蹟亦微與安巢我羨知風鶴  
覓句人思踏雪驢眼底煙雲隨變幻胸中荆棘早芟鋤  
近來東郭殊荒寂狡兔如何敵詐狙

迴雁峯頭立足高夢醒倚枕膽猶豪燈原有味紅情惹  
策爲匡時白眼遭松柏堅貞綿歲月帆檣安穩避波濤

劉賓客沈舟側畔千帆過病樹前頭萬木春自傷遜諒  
而見他人之騰達耳沈歸愚謂人事不齊造化亦無可  
如何殊非今反其意歸重在輞川倘續消寒集酒國雄  
己或不謬於典觀之旨云

兵且待塵

謙齊近葦小輞川茅屋數間

晨星落落指燕雲請策甘盤啟沃勳謂翁叔平孫問字

久疎前太史

門下士沈筆香吏部

銜杯屢憶故將軍

果杏岑去年由杭州將軍

還

召

頃篋伯仲聲難和

子與菱塘兄別十三

羽檄東西

事更紛

謂夏伯音同年

非是鴛鴦耽伏櫪騰驤多少渥洼羣

已罷南衙鼓角聲當頭又屆月光明

子去粵忽忽兩過月當頭夕

篋

言浸潤誰三反碁切贏輸亂一枰幕地梟鸞齊鍛羽絕

退一步齋詩集卷十一

十五

塵象馬不櫻情九重宵旰憂勤甚幾輩能專海上征

梅花繞屋暗香飄剛好天公碎玉苗

前數日喜雪

鍼孔穿絲

看女繡書聲盈耳聽兒驕商量今古惟青史舒卷雲霞

任碧霄擬作水鄉圖一幅畫工應訪鶴山樵

舊藏王蒙山水極工

別離頻唱念家山曉日南榮菊尚斑

齋中尚供菊數盆

餞臘恰

當新釀熟迎春定射小舟還

兄屢催子歸里

加餐書至輸兄健

擲管詩成覺我孱良友相逢煩致語尙嫌梅尉在吳闌

子終日杜門兀坐兄曾自爲枯禪僧故戲及之

謙齋以詩見懷依韻寄答兼呈子箴兄

爐燒松子騰幽香終朝兀坐春暉堂

子繪春暉延慶圖因以名堂

煮

泉添火氣候暖獨有短鬢難消霜歲闌夜靜燭光爇以

茶當酒傾壺觴王郎寄詩見交誼忍空走札催歸裝我

已無家戀山水買田水鄉隔故里棄官奉母杖鳩穩計

日生孫檐鵲喜

次子生兒在卽

妻製筍脯妾包鮓夕膳晨羞別

甘否煽爛之衣弄烏雞竊願老萊作知已門前鑿石成

畦瓦清流曲折通淮江每當玩月立渡口一輪皎皎懸

銀釭二三良朋期不速乘興便欲搖輕艫邇來疏嬾誤

登眺如蝸黏壁蜂鑽窗枯禪自笑甘蕭索埋頭屢負遊

退一步齋詩集卷十一

十六

人約感君盛意讀君詩口角芬芳破牢落逍遙津畔夢  
魂縈早晚追隨步蘭薄從教碧草滿池塘莫遣蝦蟆聲  
閣閣

予既和謙齋見懷詩復成五古一章用十卦全韻

皆前數詩中酬贈所未盡者藉申交誼兼貢芻

蕘

古狂聖所取今乃目爲怪問怪作何狀不言反噤斷謙

齋負怪名高才到茂溼好讀隱逸傳恥筮公侯卦當其

處窮困取與辨一介江淮羣盜起白刃報睚眦蠟丸屢

告變大局計成敗將帥擁旗鼓搔首但抑噫紛紛寒蟬

徒抱樹口弗喝幸哉烽煙平老屋未摧壞誅茅督農夫

種菜課童价園林得勝地結構逾鹿砦愛惜一拳石詎

受萬緡賣坐雪冬披裘乘涼夏露髻友朋結康籍昆弟

匹通勤癖戀佳山水肯令筋力懈重訪焦先居妙參遠

公戒君今年再遊焦山復至平山堂為僧心泉選詩懶河恣遊覽馬湖遠行邁

以下叙君來八寶事敝居寄入寶近市頗湫隘啓扉驚鄉音果然

君子屈倒屣足忘跛予時病足握手喜兼喟老妻詢阿姊內子

孫夫人為君大母兄子之女而君之德配又內子從姊也沈痼病莫瘥知君篤伉儷

退一步齋詩集卷十一 十七

熱淚灑遺挂德配恭人下世已久呼婢具鷄黍鸞刀理霜薤弱女

牽爺衣問客得毋憊女孫兩三人嬌小學下拜開樽氣

吐虹脫帽髮卷蠶經旬辭我去魂斷河梁話詩囊承遠

寄菁英埽野稗良田收嘉禾顆粒皆精稗詞雖綜變徵

音實鮮瞧殺幾輩登騷壇攘臂迷宗派兒襲魏晉古目

論唐宋界塵土污飯羹砥砭紊珪玠樹幟判門戶毀譽

半緯繡韓縑本韓縑註作乖辰解別誇盧馬儕侷僻施狡獪釘鉸既

鄙陋釘餽亦云愷懣劣也嗚呼文藝場放眼盡蒼蒯走也

少壯時敬秉父師誠取材從衆長始基在積實除俗尙

意韻雜聯殊礙詿學究嚴科條斯道更凋瘵鬪險儼奕  
碁標格類選解其失多明珠其爭但織芥試看獨角麟  
迴異千斤轄匱盞數絢絲織屨十倍黃齒牙肆雌黃迂  
謬等聾聵鼎鑊失火候生硬那堪暎新炊本甘香覆甌  
久必餬因茲悟吟咏剛柔須互夬豪應鯨鐘鏗細擬蛛  
網絳朗誦摩詰句中無聲畫淵源直至君落筆風雨  
快有時大波起江湖湧澎湃有時醜典墳便腹曦陽曬  
高歌感心脾氣壯色不噲倘紀雲臺功君誠寇與祭聞  
君持舊橐探討甚索債

君改舊詩甚  
夥子力勸之

那見錦繡裳重疊

退一步齋詩集卷十一

十八

加治解烈焰鑄生金奚再勞爐韞長城勢巍峩底用添  
夾寨鳳皇于青雲羽毛何可鍛毋嗜劉邕痴甯留齊侯  
疥願君采芻蕘轉瞬親警欵吾家二知翁子歲抱甕息  
機械書來致殷勤爲假參佐解設榻東西頭談禪聆梵  
唄春水漲淝濱相期釣小鱖

十二月十七日次兒生子命名燕翻三朝作湯餅

會喜而有作

山妻笑指白頭顱視膳含飴樂事俱麪煮萱花張手美  
酒開柏葉庠肩吾青氎黃卷承先志夜績晨春爲爾勸

臘鼓寥寥分歲近，催將門左設桑弧。

戲詠湯婆

湯邑恩加足下深，阿婆聲價等黃金。

千金買脚婆山谷詩也

玉樓

寒減三更粟錦帳，春留一片心熱客。何嘗醒蟻夢，美人

空解抱鴛衾。溫柔鄉裏誰終老，勾起閒情感不禁。

退一步齋詩集卷十一 十九



空輓曉霞金盞聚，凝寒綉線字。吟賦閒靜，如不禁。

秋減三更粟，錦帳春留一片心。熱客何嘗醒蟻夢，美人

空解抱鴛衾。溫柔鄉裏誰終老，勾起閒情感不禁。

退一步齋詩集卷十一 終

退一步齋詩集卷十一 終

退一步齋詩集卷十二

定遠方濬師子巖著

陽湖呂景端編校

春暉延慶集二

辛巳

存五十二首

辛巳元日作

鞭得聰明否勞勞鬢似銀家貧圖史富人舊歲華新瑪  
瑙春堪貯甌甄漢豈神立春藏水謂之神  
水見四時纂要矮爐煨楮  
鼓腹頌元辰

顧華玉詩大歡惟菽水至樂一茅茨時一誦之覺

古人先得我心因以此兩言冠首各賦一詩

退一步齋詩集卷十二

大歡惟菽水斯語具深意啜飲苟得宜奚必陸海備我  
辭嶺西節卜居八寶地江鄉富糴稻蝦菜亦易致高堂  
開九秩羞饌晨夕侍冬筍貓垂頭擘脯香不膩秋蔬羊  
纏齒作齋味殊異戒奢瑚鮮入習易簋用貳而況慈訓  
切節儉本素志一杯蘇家羹半甕樊翁豉不乞侯門鯖  
但博萱幄喜賞心風日佳繞膝兒女稚桃李懷芳園天  
倫實暢遂傳語鼎亨人倚閭日凝睇

至樂一茅茨老萊有明驗短牆莞葭滿小室蓬蒿兼戲  
綵娛老親身安屋忘執今予數畝廬開門水激豔人外

甘寂寞增高免溼墊移花茁新穎疊石補昔欠書踞竈  
觚聽詩刺在梁僂子荆稱苟完小人腹屬厭好客排琴  
樽虛名聚鈔槩夢已邯鄲醒地喜清幽占春日方遲遲  
柑甜村醋醞樹上黃鸝聲俗耳足鍼砭興闌樹根坐大  
隱慕劉瞻卻憶羅浮居文星正光焰

謙齋以上元前二日長孫迺蔭入塾疊予抱孫詩

韻寄示再和一律奉答

月支驪馬有龍顛伯樂王良合與俱秋駕得師眞羨汝  
冬烘謝客獨慙吾階前展卷瑤瑜美津畔栽花手足劬

退一步齋詩集卷十一 二一

指道遙津好騁驥孫千里足文壇爭看拔螯弧

迺孫用  
荳春外孫用

東坡文驥  
字說爲助

輓某公

目極長安涕淚零西風嗚咽閣檐鈴深堂慘儻三更月  
大海空歸一使星野火柴枯原上草雪山輕重眼中釘  
不知可被庸醫誤烏喙而今勝茯苓

當年薄宦滯燕京敢忘殷殷賃屋情僮僕烹魚來短札  
夫君飲馬話長城吹竽苦異齊門調荷笠甘爲谷口耕  
濁酒奠公增感喟九泉應亦念蒼生

子箴兄乞楊岱青先生爲子長孫萊官推命感謝

以詩

好風吹送五雲箋老我還思更問年叱鼠且留那子賦

明邢用理有叱風賦後其孫貧演禽真得梵僧傳之術

人戲之曰不必效乃祖作賦也星平兼會功非細煞印相生理或然官萊

實祖都利事斯星平兼會功非細煞印相生理或然官萊

經此經失傳星平兼會功非細煞印相生理或然官萊

八字乃庚辰已調語報君應首肯無災無難只憑天

丑庚戌丙子和子箴兄香雪謬落成作歌原韻

退一步齋詩集卷十一 二

名區竟遭一炬火古物尤嗟兩松樹大交豫園自署曰不如老圃廬州舊

宅有松樹二株亭亭如蓋百餘年物悉遭兵火治溪故里動吟詠嶺嶠傳箋誦

佳句兄作治溪故里吟余曾載於蕉軒隨錄萬綠陰中十頃田天許閒身

賦歸去麥香戲看老鴉種籬密漫教小犬護郵中急遞

書數行語我新添讀書處花枝掩映客爭賞草橐贍鈔

兒足譽兄近作余每命猶子臻廣錄存向平之志亦云遂畎畝豈無廊

廟具反逸少亟思買棹從君游無那歸期改已屢暑氣

都隨風雨斂連日霜鬢彌驚日月除國時值誓將漁釣效

龜蒙敢望金杯賜文孺自笑纏綿文字魔禪宗法印期

心付紫藤滿架遠莫致

寓中  
藤花茂

黃梁未熟誰能寤乞

留家釀待我還好爲芟荷祝初度

疊前韻示猶子孝傑

卅年歲月換新故喜汝遠來且小住解衣尙帶長安塵

把酒歡論山野趣辭官奉母薄軒冕買田課子學農圃

浮家愛飲汜湖水思鄉夢繞淮南樹乘興拈毫便作書

無事閉廬聊覓句久離阿叔肥濱遙昨聞吾弟津沽去

正當春草生池塘欲寄驛花歌穆護胡期汝泛瀛海航

肩囊直詣談經處我生好書竟成癖搜奇闢異忝虛譽

退一步齋詩集卷十一 四

眼底文章辨得失望溪而後劉袁具汝翁亦自知源流

雄辯高談不厭屢年少才華貴深斂僞體膚詞須屏除

漢儒師承良有以不爾呀呀皆稚孺願汝憂學勿憂貧

貧富天公早分付豈徒科名說門第要使迷途勤覺寤

歸持吾詩謁忍叟箇中更乞金鍼度

卅年三疊前韻贈沈青芝

登階

治病如兵匪細故百雉堅城一將住又如宮徵審琴音

五指精通七絃趣庸醫行藥提空囊浪說紫芝采瑤圃

偶逢篤劇著方劑甚似斧斤伐庭樹客問君今幾折肱

對病徒吟晦翁句沈君學術勝秦緩二豎聆聲輒逃去

我家阿喜昔抱疾迺君鍾離賴調護今年阿壹又熱掛

靈丹直透風邪處丁丑二兒在鳳陽抱恙今年三兒又患熱證皆荷君醫治而瘳三兒服紫

雪丹一夕汗下尤神杏蕊權酬董奉錢橘泉播徧蘇仙譽難經素

問誰不讀但持其法無其具先生肘後懸奇書望色寫

形功效屢自云回春有妙手往往沉疴十九除邯鄲貴

婦雜愛老西入咸陽更嬰孺不知宰相調鹽梅可似先

生隨俗付願君弗吝枕中秘萬本傳觀興俗寤君方理歷年診

治諸方刊以問世惜余老矣百無長空指天醫數星度

退一步齋詩集卷十一 一五

憶夢園

綠玉盜盛茶乳香黃金印繫菊籬旁天然富貴誰爭得

好續圭塘欸乃章

題趙子昂畫馬

子昂妙手韓幹匹八尺驕驄三寸筆喙圓腹闊鬣尾齊

變化古人信超逸張彥遠名畫記古之馬喙尖而腹細韓幹後小變矣今觀此幀信然此

馬不與凡馬同龍種豢養天閑中曾隨天仗立曉月詎

向沙漠嘶寒風皇亭山下馳遊騎獅子峯頭更停轡德祐

二年元巴延師次阜亭山受宋降表又登獅子峯觀臨安形勢可憐駿骨委煙塵太僕

圍斯皆灑淚芳草萋萋綺陌平王孫無柰踏春行憑誰  
點染丹青色繪出君家夾馬營

秋日檢架上書得劉樹君同年淮年詩集戲書兩

絕句

息柯並駕何蝦叟樹老前身王夢樓揚海琴書與樹君皆名重當世我

更戲詢賢太守滇池能敵粵嶠不夢樓守臨安樹君歷守惠潮廣三州

鬪險爭奇鎖院時良宵燒燭漏遲遲嚴家詩附文貞集

展卷顏頰某在斯集中有予癸酉秋闈聯吟之作

偶然作

退一步齋詩集卷十二 一六

拙鳩居巢向日老蟬抱樹嘶風喜鵲低頭無語螳螂怒

目稱雄

閒居雜詩

倚鑪春冷似嚴冬煨芋心情亦自慵楚士買雞充綵鳳

韋家養狗號烏龍雪中坦徑皆危險袖裏靈棊判吉凶

挑盡殘燈眠不得禪關風送數聲鐘

鄉愁旅思總模糊散步平隄惜綠蕪賦擬小園懷庾信

心驚歧路泣楊朱芸香避蠹三千軸桂樹巢烏八九雛

甚欲寄書西嶺客木棉紅到半霄無

漫言寂寞是山家  
蛙鼓鶯簧蜂報衙  
烏玦半丸張遇墨  
黃葵一幅趙昌花  
香浮缸面斟滄酒  
泉汲江心煮建茶  
農父告予新雨足  
門前指點好桑麻

絕域歸來呂化光  
無端意氣忽飛揚  
幸寬黨謫同劉柳  
偏有彈文附竇羊  
梟嘯狐威成底事  
蝸爭蠻觸問誰強  
寄聲卅載金蘭友  
憶否平泉草木香

梨花開徧雨廉纖  
雲裏輕煙宿短檐  
病叟檢方收敗醬  
美人窺鏡笑無鹽  
謀非不用疇貽策  
卜爲難言合下簾  
閒暇始知文字樂  
牛腰一卷志歸潛

退一步齋詩集卷十一 一七

百戰威名五等崇  
桓桓貔虎護元戎  
思憑捧日擎天手  
來試溝川障澤功  
疏滌水源昭禹貢  
推循地防助司空  
從今沃壤歌豐稔  
杼柚何憂大小東

墮溷飄茵詎有由  
移文難掩北山羞  
纔聞劉閩於檢誣

王潤又見崔賢辱  
馬周牀底戰酣千  
螻蟻眼前掘閱幾  
蜉蝣黃金腰帶從  
容解那爲區區一督郵

拄杖柴門愛夕暉  
山林真與市廛違  
栗皴平高樹青猿

喜藕踏橫塘白鷺  
飛楊柳絲牽遊子  
恨猶子孝傑桔槔

聲息漢陰機平生一事殊  
陶令今昔無心說是非

豫章杞梓記曾收小隊郊垆擁八騶祈父爪牙稱宿將  
漢廷博掄失通侯和羹手好千金值賣餅人來兩淚流  
賈客艤舟看山色小姑眉展大姑愁

老兵安穩報肩輿

老兵來報肩輿穩使我  
然媿昔賢元張養浩詩

林下方欣

步履徐攜竹慣教兒試馬撇波不放妾騎魚朝霞紅照  
荒郊櫟夜雨青涵後圃蔬敢怨浮雲能蔽日海山樓閣  
本來虛

肝膽輪囷借酒降北風吹雨過南窗新秋金井梧桐二  
舊巷雕梁燕子雙手簡猶懷天末李

孫稼生有書  
殷殷念我

躬耕

退一步齋詩集卷十一 八

竟繼鹿門龐

閱即鈔張友山  
中丞亦引疾矣

六鼇甘謝任公子直向巖

灘理釣艤

水月禪機老辨才雲峯詩興訝飛來金鍼穿眼堪投鉢  
鐵笛關心到落梅謫宦君休輕五馬出都人尙盼三台  
晨炊飽喫黃梁飯喚醒盧生笑口開

卽事偶書

北秀南能兩擅名人天罪福要分明燈前試讀傳燈錄  
佛法如何也不平

東山絲竹感中年可是前賢誤後賢零落芙蓉腸幾斷

桐棺又葬小嬋娟  
桃花灼灼畫圖看  
再到天台興已闌  
莫訝巖邊仙犬吠  
萬金難買九還丹

鷗夢驚回曉日紅  
鸞輪飛過大江東  
白頭一叟無言語  
瞻望旌旗拜下風

周筱棠京兆服闋北上泊舟寶應枉顧寓廬別後

賦贈

幽巖兩桂樹秋至飄古香  
仙人獨賞愛移植銀河旁  
銀河悄悄無聲明月清輝揚  
月姊還有情織就珍珠囊  
采采

退一步齋詩集卷十一 九

繡囊內燦燦金粟藏  
偶然遺數粒隨風下天闈  
一株發元圃一株落炎荒  
客從炎荒來語桂幾許長  
且莫語短長我心重思量  
蒸梁枝爲薪釀酒實作漿  
野夫獻一壺諂媚蠻夷王  
南方四季春禮豔桃李場  
沿街賣花翁爭指玫瑰芳  
此時此桂樹空照蟾蜍光  
殷勤謝月姊蕉萃難華妝  
鋤我種蔬圃築我栽桑牆  
覓我舊松菊滌我新篔簹  
結伴根不孤榮冬體自彊  
笑指八公山樂哉招隱鄉

洪濛一開闢萬類紛靈蠢  
高談六合外奇詭難指引  
鳴

義基蚩尤狼貪鬪獫狁古稱荒遠域今乃悉封畛駕山  
力無鼇嘘海氣連蜃強或同豺豕弱則等螻蛄吾皇  
胞與懷民物時勤憫綏柔大德布安輯小憤忍憶我與  
夫子長安結車軫鋒刃寄口舌草檄墨磨盾夫子年最  
少握筆誇警敏觸邪薦奮角息鬪牛繫紉勞勞十餘載  
事事具規準當此無事日籌畫貴勉甞何者國計充何  
者民力盡一一貯胸膈汲汲勵師尹要在衆志固毋使  
庶理躋內政果嚴肅外患豈焚泯曷臣受重寄州府半  
望緊察吏如考工欲直視其朕賞不龔黃酬病鮮和緩

退一步齋詩集卷十一

診愛憎爲是非賢能涕空隕似聞萬黃金紛紜擲虛牝  
子官大京兆直質邁范縝入告多謨猷疏臺諒束筍僕  
也望歲農寸心頻閱閱

長安諸友朋期我朝帝闕屢憑雙鯉魚迢迢寄書札  
自揣力尙健分應犬馬竭顧母逾八旬毳毳霜滿髮鄉  
心緬南淮炎烝畏東粵況予鮮兄弟行遠親念結關河  
舟車勞曷敢再跋涉前年入寶城曾買一區宅故里兵  
燹荒異地息萍跡聊謀菽水養豈戀泉石樂躅慕邱爲  
高貧守原憲約長奉三春暉勝持十載節區區出處間

瑣屑與子說我言方未終子淚雙袖落風木感中懷麻  
衣慘如雪爲我華黍賡悲子蓼莪輟將子勿戚戚忠孝  
本無缺亨衢導鴻鸞聲價重鸞掖縹緲袁浦雲團圓燕  
市月雲龍願莫遂花月思猶切他日乞子文壽吾親耄  
耄

蕭齋秋夜靜新菊苞初舒壁上紅燭影花葉都紛鋪對  
花勸君飲酒盡催僮沽阿戎鬢亦白適明舊日高陽徒

異鄉忽聚首且各傾一壺播薑擘紫蟹作膾烹銀魚草  
草羅杯盤佐以家園蔬頗憶宣武南爾我賃屋居每逢

退一步齋詩集卷十一 十一

退直暇相約誇庖廚三五同心人抵掌時軒渠那料竹

林儔宿草叢墓隅都門舊好如儲鷺州成竹坪毛申甫  
李叔彥李李村諸君先後物故而舍

姪仰昕亦  
化去久矣人生等匏寄感逝傷何如賤子馬齒長五十

知頭顱倦鵠謝廣漢老驥安窮途措眼眄吾子九萬鵬

程俱忝爲金蘭交敢謂朝野殊平生耿耿意臨分復踟

躇一朵出岫雲作霖潤槁枯

孫萊山學使按試六安鳳陽吳壻兆毅猶子 臻廣

先後取列膠庠喜而有作

樺燭花添喜柴扉夜未扃笑予雙鬢白看汝一衿青發

軻前程遠傳家舊德馨摩雲心力健同展鳳毛翎

鍾山拙修室

竹如侍郎齋名兆毅為侍郎第七孫

淝水古香凹

子箴兄齋名

硯教孫守楹書課子鈔冠軍標首奪

兆毅邑試案首利市紉輕

拋好問揚雄字扁舟載酒肴

兆毅現及趙孝廉之子從之來寓讀書也門

薇省簪毫日頻分早夜班

乙卯丙辰子與萊山同官中書萊山四直子頭直互相替

代

卿雲方絢彩倦鳥卻飛還天上神仙貴山中木石頑

丹梯翹首望三世共躋攀

歲科兩試子家入泮者弟澤浩姪維柱擊桂寶樹臻廣姪

孫應昌嗣昌共七人

傀儡盤鈴願爛衫遂我私履冰清有愧讀易老還癡庭

退一步齋詩集卷十一 十一

樹誠佳矣宮芹薄采之席珍期許大端在秀才時

梅花九首

茹素含真本夙心空山流水少知音拈將五指先參佛

栽向雙堤合姓林樓畔美人羞翠黛牀頭壯士惜黃金

自開自謝渾閒事敢對天公訴陸沈

蠟丸點綴值殘冬小別羅浮客思重用爾和羹須妙手

為誰餐雪抗塵容名標上苑誇猴燕上林猴梅燕梅見西京雜記蜜

熟鮮葩遲去蝶蜂竟日巡檐殊寂寞惱人遙指最高峯

用楊誠齋詠梅詩意

細柳營前幾度經，累他作伴太伶仃。每從淡月疎煙裏，  
突露長槍大戟形。花戰玉龍開爛漫，酒傾金爵唱瓏玲。  
綠章頗欲投晴昊，卻倚繁柯涕泗零。  
冬至陽生一線添，郵亭屢報朔風嚴。東君縮地能傳語，  
處士圍爐怕捲簾。衰柳牽愁饒鵲噪，喬松孤立奮虬髯。  
渡江可有真消息，三九光陰莫漫淹。  
迎眸蓓蕾記慈恩，疎影橫斜古寺門。浴水詎宜童子戲，  
孕香難返老僧魂。模糊官閣新詩藁，惆悵前村凍雪痕。  
勘破那伽空色相，須彌蚊睫兩休論。

退一步齋詩集卷十一 十三

紂絕陰天霧不開

連日大霧

低垂紙帳夢初回，久拌寒共仙

禽守忽訝春隨驛，騎來萬朵笑涵青。帝澤廿年却賸白

門灰中宵吹徹悠揚笛，兀兀羈懷大可哀。

土膏培壅質逾清，修到丰姿定幾生。紅豆一燈垂粟細

綠珠雙袖抱煙輕，素心有癖酸難洗。凡骨無丹換不成

戲向山妻呼鶴子，乘軒強半是公卿。

綺窗四面散芬芳，遠隔滄溟憶故鄉。棄妹不仁妝篋冷

借用南華經語案棄妹不仁語言人人殊韻府收入妹韻下字典謂宜從妹愚見當以韻府爲斷自君

之出草堂荒金銅，漢室仙人淚鐵石。唐家宰相賜三尺

瑤琴彈古調海壖情緒正茫茫

奚容此樹歎婆娑紅紫紛紛付剎那甘讓天桃媚春色

願借叢桂傍巖阿未開枝北新苞斂

朱子詩那知北枝北猶有未開叢

何有終南捷徑多我亦近來清瘦甚黑貂裘敝醉顏醜

先公有田一區在懷遠西鄉名汪家莊去曾大父

暨大父丙舍不遠今年子箴兄埽墓過彼住宿

一宵愛其沃壤作詩見寄示耦耕之樂予久羈

寶應歸計頗難漫賦五詩學稼心殷恐不如老

農也

退一步齋詩集卷二十一 十四

孫休款啟徒未聞至人行田原不遇歲罪天復委命愚  
意殊不然人定天亦勝水旱時或憂穰蓂力可證今年  
偶荒歉明歲卜豐盛衆生皆天民天豈偏視聽惰者一  
室飢勤者十斛慶粒我感彼蒼求己體宣聖頗思淮南  
言離稻判庭逕勿因小利在遂爲大穫病東臯老農夫  
鼓腹正歌詠

汪莊去壽春計程七十里一葦便可杭溶溶洛河水吾

宗老內翰

汗青先生

家住洛河裏代有賢子孫科名相繼起

我聞先人言公不慕祿仕

汗青先生散館後隱居不出

子孫無他業

詩書兼耒耜，緬惟咸豐間。四郊突豺豕，公居獨晏然。彈丸息兵燬，頗訝黃巾凶。不敢鄭鄉毀，淮濱民氣勁。直質鮮澆詭，甘心蹈鋒刃。失身墮奸宄，要在官長良。法度化頑鄙，未聞欲正人。而不先正己，怪哉姬傳翁。作詩寄節使，肆口嗤鍾離。絕少英儁士，惟餘暴桀輩。荷校受鞭捶，惜抱次朱文正視賑淮上詩中云山川極盛在一朝鍾離帝起乾符握自是蕭條英儁無入公草木皆猪禿惟犯刑科，俾荷木。每何地無刑徒，豈可一例視。詎緣彼宵小，醜詆衆君子。八公好峯巒，草木近邈迤。昔我經龍眠，山勢固嶽義。少師榮國公，形容病虎似。胡爲髡髮佐

退一步齋詩集卷十一 十五

逆爲禍始亦越大，司寇傳列二臣矣。同姓兩偉人，與山

合并峙，至竟黼黻華。那敵襍穢美。

廬陵曾移忠，辛勤著禾譜。東坡惜其缺，欲以農器補。一

篇秧馬歌，燦若奇花吐。後來王永豐，元王楨字伯善官永豐宰有農器圖

教民學農圃，我讀永豐集。伯善詩名農務集 歷歷名可數，砥礪

旋箕軸。田盪平泥土，鉤鐵鎌類銛。作碓塲勝杵，麥鈔捲

黃雲，麩羅飛白雨。春社歡雞豚，秋收慶倉庾。稽首天公

慈，更須人力努。安得攜此編，徧爲耕者語。

教子各一藝，母蒙紈袴辱。繫我三豚兒，無能但粥粥。我

姑戒導之兩字曰耕讀讀須探六經耕應分五穀顧茲  
數頃田頗飽八口腹不見貧窶人家鮮僦石蓄年豐妻  
忍飢冬暖兒寒縮奈何踞膏壤而不勤畚築況我叨  
君恩久糜太倉粟五十已覺衰歸田卻喜速筋力記考  
工放手謝案牘門前五株柳籬下幾叢菊敢儕避世士  
聊被隱居服朗誦歸去來植杖忘塵俗回頭喚童孫牆  
東梨棗熟

萌蒲倩僮整溫襪呼婢初晨餐一以畢散步隨畦眈鄉  
氓憐我懶把鉏語逡巡遙指綠樹陰共坐情彌真好風

退一步齋詩集卷十一 十六

池塘來吹皺波鄰鄰池邊老漁翁持竿理絲繡上手得  
魴鯉入市易米薪餘錢更沽酒村釀誇芳醕就我羅杯  
盤宣勸不厭煩翁醉我亦醉嬉酣無主賓翁其有道歟  
夷惠堪等倫長揖謝而歸翛然樂賤貧

退一步齋詩集卷十二終

